

Ho Labalabela ho Hongata



SABATHA MANTSIBOEA

Bakeng sa boithuto ba beke ena, bala: *1 Ba-Kor. 10:1–11, Lev. 4:32–35, John 1:29, Ba-Heb. 4:1–11, Pes. 95:8–11.*

Temana ea Khopolo: “*Taba tseo ke litemoso ho rōna, re tle re se ke ra lakatsa tse mpe, joalo ka ha ba li lakalitse*” (*1 Ba-Kor. 10:6*).

Queens Museum of Art e New York, United States, ena le mohlala oa sets’oants’o se sehlo sa toropo ea sejoale-joale, ho bontša mehaho eohle e New York. Likhakanyo li eme tjena 1:1,200 (moo 2.5 cm kapa 1 inch eka lekanang le limithara tse 33 kapa maoto a 100 e akaretsa bophara ba 870 square meters (9,335 square feet). E ile ea phetheloa pele ka selemo sa 1964 ke litsibi tse 100 tse ileng ba sebetsa bonono ka nako e ka fetang lilemo tse tharo ho phethela mosebetsi oo. Ea ntlafatsoa ho tla boemong ka 1990 ’me ha e bontše mehaho e melele ea mongoa kholo oa 2021. Ke setšoantšo se hlolang se feletseng sa ntho ea sebele.

Qetellong, leha ho le joalo, e ntse e le setšoantšo fela: ntho ea tšoantšeo, papiso ea se seng se sehlo, se tebileng, se matla ho feta setšoantšo ka bo sona.

Ke kamoo litšoantšo li leng kateng ha e le hantle. Ha se ntho tsa sebele empa li sebetsa e le matšoao a ntho ea sebele. Setšoantšo se re thusa ho utloisisa moelelo oa sa sebele, empa se ke ke sa nka sebaka sa sona. Empa, se teng moo ho thusa batho ho utloisisa hantle seo sa sebele se leng sona.

Mangolo ka bo oona a tletse ka litšoantšo tsa liketsahalo le lintho tse supang pele nthong e kholo ea leholimo. Ba-Heberu 4 e re thusa ho fumana e ’ngoe ea lintho tse na joalo ka ha e amana le potso ea Bibe e phomolo.

**Bala thuto ea beke ena ho lokisetsa Sabatha sa la 11 Loetse.*

Ho Kolobetsoa Ho Moshe

Bala 1 Ba-Korinthe 10:1–11. Paulose o ne a batla ho fetisetsa eng ho ba bali ba hae ba-Kokorinthe ha bua ka “litemoso”?

Lentsoe la se-Gerike le sebelisits'oeng ho 1 Ba-Korinthe 10:6 (le nkiloeng ka tsela e tsoanang ho 1 Ba-Korinthe 10:11), le tolokiloe e le “mohlala” liphetoletong tse ngata tsa sekhooa, ke *typos*. Sekhooeng lentsoe *type* le tsoa lerehong leo la se-Gerike. Mofuta (kapa mohlala/temoso) ha se ntho tsa sebele empa ntho e kang setsoantšo kapa moemeli. Ke setsoantšo sa ntho e 'ngoe e sele.

Ba-Heberu 8:5 e fana ka mohlala o motle oa mofuta ona oa kamano: “Ba [baprista ba tšebeliso ea Testamente ea Khale] sebeletsa ka tse tsoantšang lintho tsa leholimo le liriti tsona, ka moo Molimo o nong o laetse Moshe kateng, ha a tla etsa tabernakele, pa re: Lemoha hantle, u etse ntho tsohle ka tekanyetso ea tseo u li bontšits'oeng *thabeng*”.

Sekha sena ka se-Heberu se bontša khokahano e hlakileng lipakeng tsa leholimo le tsa lefatše, e be e qotsa Exoda 25:9, moo Molimo a bolellang Moshe ho haha sehahalelo “kamoo ke le bontšang kateng” kamoo a e boneng thabeng. Taba ke hore sehahalelo sa lefatše, ka lintho tsohle tsa sona le tsamaiso, e ne e “mehlala,” litšoantšo, tsa se etsahalang leholimong, ka Jesu e le Moprista e Moholo.

Ka sena kelellong, re ka utloisa seo Paulose a neng a bua ka sona ho 1 Ba-Korinthe 10. Litemaneng tsena Paulose o chakela a mang a maiphelo a bohlokoa a sehaba sa Molimo lefelleng tseleng ea bona ho ea lefatšeng la pallo. “Bo-ntate moholo” ho supa baholo-holo ba bona ba ma-Juda ba ileng ba tloha Egepete, ba ne ba le tlasa leru, ba tšetse leoatle, 'me ba kolobelletsoa bohle bophelong bo bocha ba tokoloho bokhobeng.

Paulose o nka libaka tsena tsa bohlokoa leetong la lefella e le setšoantšo, kapa mohlala, oa kolobetso ea motho ka mong. Likhatong tsa taba ea Paulose, ho qotsoa ha “sejo sa moea” ho lokela e be ho supa manna (*bapisa le Exoda 16:31–35*). Iseraele e noele metsi ho tsoa lefikeng, leo Paulose a hlalosang e le Krete (*1 Ba-Kor. 10:4*). Nahana ka Jesu, ka mohlala, e le “bohobe ba bophelo” (*John 6:48*) le joalo ka “metsi a kollang” (*John 4:10*), 'me tsohle tsena li etsa kelello. Ka hona, seo re bonang mona ke tšebeliso ea Paulose ea nalane ea Testamente ea Khale e le mohlala oa ho senola linnet tsa semoea tse ka sebelisoang Bakresteng ka bo mong kajeno.

Khutlela morao u nahane ka maiphihlelo a ba-Israele ho Exoda. Ke lithuto life tseo re ka ithutang tsona “mehlaleng” ea bona, bobeli tse ntle le tse mpe tseo ba re sietseng tsona?

Meketjana le Mahlabele

Mekhoa ea Testamente ea Khale ea meketjana le mahlabele, joalo ka e fumanoang ho Levitike, e fana ka mehlala e mengata ea seo re se boneng maobane—matšoa ea Testamente ea Khale a supang ho linneteng tsa Testamente e Ncha. Leha babali ba kajeno hangata ba e feta fela meketjana ena, e fupere linnete tsa bohlokoa tsa semoea tseo e ka bang tsa boleng ho ba ithutang tsona.

Bala litaelo tsa mahlabele a sebe bakeng sa mo-Iseraele ho Levitike 4:32–35. Ke eng eo re ka ithutang eona meketjaneng ee, leha re se na sehalelelo kapa tempele e nang le aletare moo re etsang mahlabele bakeng sa libe tsa rōna? Hokahanya tšebeliso ene le Johanne 1:29 le 1 Peterose 1:18–21.

Meketjana ona o ne o fetisa hantle molaetsa oa bohlokoa le litaba tsa boleng, 'me o hloka ho utloisisoa boemong bateng. O ne o hloka nako e khethihileng, sebaka se itseng, le letoto la lintho tse hlokang ho etsoa ho re ho nepahale. Ka 'nete, ha re bala Testamenteng ea Khale malebana le sehalelelo, ho ea hlaka hore Molimo o fane lintlha tse hlakileng hore ke eng e lokelang ho etsoa sehalelelo, le hore na ho kae, neng, le hore na ho lateloe tselo le mokhao o fe.

Khubu ea meketjana ena, e ne e le mali, ho tšolla le ho fafatsa. Sena ha se shebahale hantle hohang, le hona ho rereloa hore e ka ba ntle, hobane e sebetsana le ntho e mpe ka ho fetisisa, 'me eona ke mali.

Ke karolo efe hantle eo mali a neng a e bapala, 'me hobaneng a ne a tlosoa linakeng tsa aletare? Leha meketjana e amanang le sehalelelo e ne e hlaha ka mokhoa tlhaloso-taelo (i.e., ho fana ka litaelo tsa hore na e etsoe joang), ha li kenyeletse litlhaloso tsohle. Mohlomong ke hobane batho ba ne ba se ntse ba utloisisa se neng se boleloa. Hantle batho Iseraele ba ne ba utloisisa bohlokoa ba mali (*Lev. 17:11*).

Mohlala o nkiloeng ho Levitike 4:32–35, leha ho le joalo, e fupere tlhaloso ea bohlokoa ho Levitike 4:35: “Mopriska o tla mo etsetsa joalo pheko ea sebe a se entseng, 'me o tla se tšoareloa”. Ka hona, mali a ne a le bohlokoa ketsahalong eo eohle ea pheko, mokhoa oo rōna baetsalibe re ka behoang le Molimo o halalelang. Seo re se bonang ka mahlabele ana, ke papiso, setšoantšo, sa lefu la Kreste le besebeletsi ba hae bakeng sa rōna.

Nahana ka moo sebe se leng sebe kateng hoo se nkile sehalelelo, sa setho ka seng sa bo-molimo, Jesu, e le ho se etsetsa pheko. See se lokela ho re ruta eng ka hore na hobaneng re lokela ho išetleha fela ka mohau e seng ka mesebetsi? Hantle ka ha e ba re ka ekeletsa ka eng ho seo Kreste a seng a se entse?

“Mohlala” oa Phomolo

Ntle le mehlala eo re seng re bone, taba ea litšoantšo le lipapiso e ka sebetsa le tabeng ea Bible e phomolo. Ho bona sena, re bukeng ea Testamenteng e Ncha ea Ba-Heberu.

Bala Ba-Heberu 4:1–11. Ke tšepiso efe e saletseng ea ho kena phomolong ea hae eo a buang ka eona? Ke joang maiphihlelo a Iseraele nakong ea Phallo le ho lelera lefelling a re fang kutloisiso e eketsehileng tabeng ea ho kena phomolong ea Molimo?

Sehlolo sa ho phehella le ho botšepahi se bohlokoa mona. Leha ho buuo ka Sabatha sa letsatsi la bosupa, taba e kholo ea litemana tsena (le se tšileng pele; sheba Ba-Heberu 3:7–19) hantle ke memo ho sechaba sa Molimo hore se boloke tumelo ea hae; ke hore, ba tšepahalle Morena le Evangeli.

Likha tsena li hopotsa 'mali ho nka lithuto tse ithutiloeng botataiseng ba Molimo nakong e fetileng, “e se be e mong a tšoha a e-oa ka ke ho ea ka mohlala oa bao bas a kang ba lumela” (*Ba-Heb. 4:11*). Utloisisa, ona ke monyetla! Iseraele e ile ea utloa Evangeli, temana e tsoela pele, empa lentsoe ha lea ka la ba tsoela molemo. Ho e-na le hore tumelo ea bona e matlafale ka ho tšepa le kutlo, ba khetha borabele (*bapisa le Ba-Heb. 3:7–15*), 'me ka hona, ha ba a ka ba fihlela phomolo eo Molimo o neng o ba reretse eona.

Ba-Heberu 4:3 e supa likamano tse haufi lipakeng tsa tumelo le phomolo. Re ka kena phomolong ea hae ha fela re lumela le ho tšepa ea tšepisitseng phomolo le ea ka phethatsang tšepisong ena, 'me eo le joang ke Jesu Krete.

Bala Ba-Heberu 4:3 hape. Bothata bo boholo e ne e le bofe ka batho bao ho buuoang ka bona? Ke thuto efe eo re ka e fumanang mo bakeng sa rōna, rōna ba “boleletsoeng Evangeli joalo ka bona” (*Ba-Heb. 4:2*)?

Bakreste ba pele ba amohetse tšenolo ea Molimo ea pele (eo re bitsang “Testamente ea Khale”) 'me ba lumela hore Jesu Krete Konyana ea Molimo, sehlabelo sa libe tsa bona. 'Me ka tumelo sehlabelong, ba ka ba le maiphehlelo a topollo ho Jesu le phomolo eo fuoang ho eena.

Ke joang kutloisiso ea se boleloang ke ho pholoso ka mali a Jesu e re thusang ho kena mofuteng oa phomolo oo ra ka bang le oona ho Jesu, ho tseba hore re pholoso ka mohau e seng ka mesebetsi?

Le se Thatafatse Lipelo

Bala Ba-Heberu 4:4–7 le Pesaleme 95:8–11. Ke tlhokomeliso efe e fanoang moo, bobeli ho Lipesaleme le ho Ba-Heberu, 'me e lokela ho re'ng ho rōna kajeno?

Ba-Heberu 4:4–7 e qotsa ka bobeli tlaho ea tlholeho le Pesaleme ea 95:11 boemong ba ho bua ka ho se tšepahale ba-Iseraele, e leng hona ho entse hore ba hloloe ho kena phomolong eo Molimo o neng o ba batlela eona.

Ruri, Pesaleme 95:8–11 e hokahanya maiphihlelo a Iseraele lefelleng le ho kenyeletsa kano ea leholimo ea hore Israele e se nang botšepahi e ke ke ea kena phomolong ea hae, eo qalong e neng e amana le lefatše la pallo.

Ke 'nete, Iseraele e ile ea kena lefatšeng la pallo. Moloko o mocha oa tšela leliboho 'me ka thuso ea Molimo, ba nka qhobosheane tse matla tsa naha 'me ba aha teng.

Leha ho le joalo, ha baea ka ba kena phomolong ea Molimo, taba e le hore ba bangata ha b'a ka ba ba le maiphihlelo a topollo ho Jesu hobane ho hloka tumelo ho ile ha bonahala ka ho hloka kutlo. Leha, phomolo e ne e amahanngoa le lefatše, e ne e kenyeletsa ho feta fela moo batho ba lulang.

Ba-Heberu 4:6 e lekanya hore ba utloileng pallo ea Molimo ea phomolo ea 'nete ha ba ea ka ba kena ka baka la ho hloka kutlo. Ke khokahano efe lipakeng tsa ho hloka kutlo le ho se kene phomolong ea Molimo?

“Kajeno” e bontša ho potlaka. “Kajeno” e bolela hore ha ho sa na nako ea pota-pota “Kejeno” e hloka karabo le qeto hona joale.

Paulose o tšoarella lentsoeng *sēmeron*, “kajeno,” le ho bontša hore na le ne le le bohlokoa ha kae oemong ba phomolo. Pesaleme 95:7, 8, ha joale, ke tlhokomeliso le boipiletso ho sechaba sa Molimo ho se phete liphoso tsa baholo-holo ba bona le ho hloloa ho kena phomolong ea 'nete e fumanoang fela topollong eo Molimo a fanang ka eona.

E lokela ho bolela'ng ho rōna ha joale, ha re utloa mantsoe “Kajeno, ha le utloa lentsoe la hae: ‘le se ke la thatafatsa lipelo’”? Ke eng se bohlokoa ka lentsoe Kajeno? Ha e le hantle, Pesaleme e le sebelisitse likete tsa lilemo tse fetileng. Leha ho le joalo, hobaneng le lokela ho ba bohlokoa joalo fela le bakeng sa “kajeno” ea rōna, joalo ka ha le bile ho ba le utloileng likete tsa lilemo tse fetileng?

Ho Hapa Motse O Halalelang

Sehloho sa khaho ea taba ho Ba-Heberu 4 e hlaka haholo ha u bala Ba-Heberu 4:8–11. Joshua ha a ka a fa Iseraele phomolo. Kahobane Molimo ha o etse thetso, ho lokela ho be le “phomolo” e ’ngoe e saletseng sechaba sa Molimo. sehlopha sena ha sea etsoa fela ka balumeli ba ma-Juda. Se kenyeletsa bohle ba amohetseng Jesu e le mopholosi oa bona.

Bala Ba-Galata 3:26–29 le ho e-hloko limelo tsa sechaba Molimo sa selekane ka mor’a ho tšela. Ho boleloa eng ka hore ha ho sa le mo-Juda le ha e le mo-Gerike, le ha e le ea ruiloeng le ea sa ruuoang, ha ho sa le monna kapa mosali, boemong Paulosi a ngolang ka bona?

Ka linako tse ling, Ba-Heberu 4 e sebelisitsoe ho tiisa poloko ea Sabatha ea letsatsi la bosupa, ha ba bang ba e sebelisitse ho qholotsa taba eo ea phomolo ea Sabatha, ka leseli la hore ho sa na le e ’ngoe (ea nako ea ho qetela) phomolo. Ha ho lehlakore le emelang temana ena hantle. Empa, temana e lekanya hore seo qetello ea nako e tsebameng ho sona ke phomolo e khethehileng ea Molimo eo e saleng e le teng le ho tloha tšemolohong le hore keteko ea phomolo ea Sabatha e fana fela ka tatso e nyenyane, ea beke le beke, ea phomolo ea nako ea ho qetela. Ruri, ho ba-Juda Sabatha e sa le e utloisisoa e le tatso fela ea *‘olam haba’* (“fatše le tlang”).

Phomolo ea kang ea Sabatha e sa saletseng sechaba sa Molimo, e lumellanang le phomolo ea Molimo ea Sabatha sa pele nalaneng ea lefatše, e bolela hore re ka phomola mesebetsing ea rōna le ho mo tšepa hore phetha lipallo tsa hae tsa topollo bakeng sa rōna.

Ho fapana le likhang batoloki ba bang, boemo ha tšchetse taba ea hore taelo ea Sabatha e phethahetse phomolong ea topollo eo Krete a e tlisitseng, se etsang hore ho se hlokehe hore Bakreste ba se boloke. Phomolo ea moshoelella eo re e tšepiseitsoeng ka seo Krete a re etselitseng sona ha e nkele sebaka Sabatha ea letsatsi la bosupa; khahlanong le moo, e-ea e matlafatsa.

Lefatšeng le nkela holimo batho ba ikhahang bo bona, ba sebetsang ka thata, le ba tsoileng lipelo ho iphumanela eng le eng, phomolo ho Jesu le ho tšepa hore mohau oa hae o lekane ho re pholosa le ho re fetola ruri ha se mohopolo o bonolo.

Ke joang u ka thusang ba bang ho fumana phomolo ho Jesu ha ba nahana hore libe tsa bona li mpe hoo, lipelo tsa bona li ke keng tsa fetoha, le hore ha ho sa na thuso bakeng sa bona? Ke temana efe ea Biblele eo u ka e arolenang le bona?

Ho Ithuta Haholoanyane: “Kamehla ha re rate ho tla ho Jesu ka mathata le liteko tsa rōna. Ka linako tse ling re tšollela mathata a rōna litsebeng tsa batho, le ho bolela matšoenyeho a rōna ho ba ke keng ba re thusa, re lebala ho li bolela tsohle ho Jesu, ea tsebang ho fetola litsela tsa masoabi ho li etsa tsa nyakallo le khotso. Ho itatola, ho iketsa sehlabelo ho fana ka khanya le tlhoho sefapanong. Litšepiso tsa Molimo li ntle haholo. Re lokela ho ithuta lentsoe la hae ha re batla ho tseba thato ea hae. Mantsoe khothatsang, ha ithutiloe hantle le ho utlhoa ka hloko, e tla isa maoto a rōna litseng tse phatlaletseng, moo re ka tsamaeang re sa khoptjoe. Oho, e se e ka bohle, baruti le sechaba, ba ka nka meroalo ea bona le tse ba khathatsang ho li isa ho Jesu, ea emetseng ho ba amohela, le ho ba fa khotso le phomolo! A ke ke a lahla ba itšepelang eena.”—Ellen G. White, *The Signs of the Times*, March 17, 1887, p. 161.

“Na bacha ba khethehileng le ka sheba ka nyakallo ea tšepo le tebello nakong eo Morena, moahloli oa lōna ea lokileng, a tlang ho bolela lebitso la lōna pela Ntate le pela mangeloi? Boitokisetso bo hlollang boo u ka bang le bona bakeng sa ho khutla labobeli ha Kreste ke ho phomola ka tumelo e tiileng topollong e kholo eo a e tlišitseng ho tlang ha hae leketho la pele. U lokela ho lumela ho Kreste mopholosi oa hao?”—Ellen G. White, *Our High Calling*, p. 368.

Lipotso tsa Puisano:

- ① Ke eng e khethehileng ka Sabatha ea letsatsi la bosupa hore e be e ka tšoantsa phomolo ea leholimo bakeng sechaba sa hae? Ke hore ke joang Sabatha e re phomolo e leng tatso ea seo bosafeleng bo bo tla ba sona?
- ② Pheko e bolela poelano le ho supa tsela ea ho khutlela ho Molimo. Nahana ka polelo ena ea bohlokoa e fumanoang ho Ba-Roma 5:11: “’Me ha se hoo fela, empa hape re ithorisetsa ho Molimo ka Jesu Kreste, Morena oa rōna, eo joale re boneng poelano ka eena”. Ha motho e mong a ne a ka u botsa, “Ho bolela’ng ho boelanngoa le Molimo, ’me ke phapang efe eo poelano ena e etsang bophelong ba hao,” U ka araba joang?
- ③ Ke joang re ka qobang ho sebetsana le lintho tse se nang taba bophelong ba rōna ba Bokreste? Ke eng e re thibelang ho lula re tsepame setšoantšong se sehlo se fanoang lentsoeng la Molimo?
- ④ Nahana hape ka liphoso tsohle le ho hloka tumelo ho bana ba-Iseraele ba ho bontšitseng lefelleng. Leha lintlha tse ling tsa liqholotso tsa bona li fapane le tsa rōna (ha re lelere lefelleng), ke ntlha life tse tšoanang moo? Ke hore, ke joang leetong la rōna la Bokreste re ka kopanang le liqholotso tse tšoanang le tseo ba tobaneng le tsona ’me ke joang re ka ithutang ho liphosong tsa bona?